
Saksnr: 2020/1928-69
Saksbehandlar: Dagmar Reutz Hillestad

Saksgang

Utval	Utv.saksnr.	Møtedato
Fylkeseldrerådet		26.05.2020

Høring - Forslag til alternativ regulering av pasientforløp i spesialisthelsetenesta - oppfølging av sak

Forslag til vedtak

Fylkeseldrerådet vedtek å gi uttale til høringsnotatet «Forslag til alternativ regulering av pasientforløp i spesialisthelsetjenesten, og endringer i registrering av ventetid».

Samandrag

Helse- og omsorgsdepartementet sende 15. januar «Forslag til alternativ regulering av pasientforløp i spesialisthelsetjenesten, og endringer i registrering av ventetid» på høring. Høringsfristen var opprinneleg sett til 15. april 2020. Grunna utbrotet av covid-19 har denne ekstraordinære situasjonen ført til at fleire sentrale høringsinstansar har hatt utfordringar med å svara på høyringa. Helse- og omsorgsdepartementet har avgjort å utsetje fristen til 1. juni 2020.

Bertil Søfteland
seksjonssjef

Dagmar Reutz Hillestad
utvalssekretær

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Norge har gode helse- og omsorgstenester sett i ein internasjonal samanheng. Tilgang til og den behandling som vert tilbydd skal vera likeverdig for alle, uavhengig av sosial bakgrunn eller kvar i landet ein bur. Dei seinare åra har det vore mykje merksemd og diskusjon rundt registrering og praktisering av regelverket knytt til ventetid og pasienten sitt forløp i spesialisthelsetenesta. Det er ein risiko for at den same henvisningen kan bli vurdert ulikt, og det kan bli gitt rettar avhengig av korleis regelverket vert tolka. Det medfører ein risiko for at pasientane sine rettar ikkje vert registrert rett, og dermed påverkar det statistikk og styringsinformasjon om ventetid.

Det er særleg skille mellom frist til utredning og frist til behandling som har skapt utfordringar. Det har for eksempel vore stilt spørsmål om reduksjonen i ventetid sidan 2013 har vore reell. Som følgje av dette fekk Helsedirektoratet i juni 2016 oppdrag om å utreda fleire forhold knytta til ventetidsregistrering. Rapporten vart publisert i mai 2017. Helsedirektoratet si vurdering var at ventetida på nasjonalt nivå samla sett går ned. Helsedirektoratet føreslo to tiltak i rapporten. Det eine var at regelverket måtte forenklast og det andre var at dei pasientadministrative systema måtte forbetrast. Helsedirektoratet fekk som følgje av dette eit nytt oppdrag, og leverte ein utredning til departementet i juli 2018. Denne rapporten var på tre månaders høyring i 2018.

Hovedformålet med forslaga i dette høyringsnotatet er å leggja til rette for betre pasientforløp. Pasientane skal oppleva gode, sikre og føreseielege pasientforløp. Pakkeforløp er eitt eksempel på tiltak som kan bidra til at pasientar får eit behandlingsforløp som er helheitleg og føreseieleg, utan unødig ventetid.

Det er innført pakkeforløp for kreft, hjerneslag, psykisk helse og rus, og Helsedirektoratet utviklar pakkeforløp for fleire diagnosar. Andre sentrale formål med forslaga i høyringsnotatet er å redusera uønska variasjon mellom sjukehus og regionar og forbetre kvaliteten på registreringen i spesialisthelsetenesta.

Det er ei overordna målsetjing at endringar i registreringa i utgangspunktet ikkje skal bidra til større administrativ byrde for sjukehusa og helsepersonell, men skal sikra god og påliteleg oversikt over utviklinga i ventetid og kvalitet i tenesta.

Departementet meiner det er behov for tiltak både på både kort og lang sikt, både rettslege og ikkje-rettslege tiltak. Bruk av verkemiddel må tilpassast kva ein ønskjer å oppnå - og om verkemiddelet er eigna. Til dømes vil ikkje nødvendigvis regelverksendringar eller nye pasientrettar alltid vera det rette svaret på utfordringar knytta til pasientforløpet. I mange tilfeller kan endringar i praksis, tilrettelegging for informasjonsutveksling og betre informasjon til pasientar vera vel så eigna tiltak for å oppnå gode pasientforløp.

På kort sikt er det eit behov for å rydda i regelverket slik at like pasientar får like rettar, uavhengig av kvar dei mottek helsehjelpa. Skillet mellom frist til utredning og frist til behandling har vore vanskeleg å forstå og praktisera. Dette er godt dokumentert gjennom ulike rapporter seinare åra. Regjeringa er oppteken av å forenkla og forbetra dagens modell utan at pasienten sine rettar blir svekka i møte med spesialisthelsetenesta. Det er avgjerande at pasientane får god og forsvarleg helsehjelp frå rett kompetanse til rett tid - utan unødig venting.

Helse- og omsorgsdepartementet arbeider med eventuelle større justeringar i regelverket som kan innførast på lengre sikt.

Regjeringa sitt mål er å skapa gode helse- og omsorgstenester der alle skal ha tryggleik for å få hjelp når ein treng det. Det er viktig at pasienten blir ivareteken og informert, at ein opplever å kunne påverke og har høve til å treffe val som gjeld sin eigen situasjon.

Helse- og omsorgsdepartementet sende 15. januar 2020 «Forslag til alternativ regulering av pasientforløp i spesialisthelsetjenesten» på høyring. Høyringsfristen vart då sett til 15. april 2020, men er no utvida til 1. juni 2020.

Vedtakskompetanse

Fylkeseldreråda i landets fylkeskommunar er oppnemnt som høyringspart.

Vurderingar og verknader

Økonomi: ikkje relevant

Klima: ikkje relevant

Folkehelse: ikkje relevant

Regional planstrategi: ikkje relevant

Konklusjon

Saka vart lagt fram for handsaming i fylkeseldrerådet sitt møte 28. april 2020. Rådet avgjorde å utsetje saka til komande møte i rådet. Rådet vil med bakgrunn i høyringsnotatet, merknader og innspel frå rådet sine medleamar gi uttale til «Alternativ regulering av pasientforløp i spesialisthelsetjenesten, og endringer i registreringer av ventetid» innan fristen 1. juni 2020.